

huia ya at ayahuiliquinequia yaoyotl necaliztl qui mana acolihuacan a ohuaya ohuaya.

Çan yeon necuiltonolo intlpe. ayoppa titlano chimalli xochitl a yoppan ahuiltlon ipalnemohua yeic an auia intlailotlaqui xayacamach a huia ho ay ya yi ee o ahuyaha ohuaya &.

Ynacon anquelehuia chimalli xochitl y yohualxochitli tlachinol xochitlyeic neyahpanalo antepilhuan huiya quetzalmamatzin huitznahuacatl ohuaye ho hayia yi ee. o ua yiaha ohuaya &.

Chimaltenamitl ipac oncan in nemohua yehua necalia huilotl oya huaya ihcahuaca yehuaya oncanin yenemi intecipiltin xiuhtzin xayacamachani amehuano o ancon ahuiltia ypalnemohua ohuaya &.

Yn mahuel nehtolilo man nemamanalo ya yahonahuac a on netla machtilo-ya ypan nechihuallano ohuaye in tepiltzin canyemocue tlaça ohuaya ohuaya.

Quetzalipantica oyohuiloa ahuiltloni palnemohua ixtlahuacan intapalcayocan a ohuaya ohuaya.

Oyo huale huaya yetocalipan oyohua yehua huexotzincatl y tototihua o o iztac coyotla ohuaya ohuaya.

Acemelle yca tona coquiça ynican topantitemonti tlaxcaltecatl y toco ya cahcalia ynaltepetl y huexochinco ya ohuya &.

Cauhtimaniz o polihuiztlalli ya totomihuacan huia cehuiz yiollo o antepilhuan ahuxotzinca y ohuaya ohuaya.

Mizquitl ymancantzi huaetli ymancani Ahuehuetl onicaca huiya ypalnemohua xonicnotlamati mochielimanca huexotzinco ya çani o oncan in huel om mani tlalla chuaya ohuaya.

Çan no huian tlaxixinia tlamomoyahua y ayocan mocehuia moma cehual y hualcaco mocuic ynicelteotl oc xoconyocoyacan antepilhuan a ohuaya ohuaya.

Çan mocuepa ytlahotl con ahuiloa ypalnemohua tepeyacac ohuaye antepilhuan a ohuaya ohuaya.

Canel amonyazque xocon molhuican antlaxcalteca y tlaçomihuatzin hui oc oyauh ytlachinol ya yehuan Dios a ohuaya &.

Cozcatl yhuilai quetzal nehuihuia oc çoconhuipanque çanchichimeca y totomihua a yztac coyotl a ohuaya ohuaya.

Huexotzinco ya çanquiahtzinteuctli techcololia Mexicatl y techcololia acolihua achquennel otihua tonyazque quenonamican a ohuaya ohuaya.

Ayantlayocoya anquimitoa ynamotahuan anteteuctin ayocuantzin yhuan a intlepetztic in cacha ohuaye tzihuacpopoca y ohuaya &.

Caçan catcan chalco acolihuaca huia totomihuacan yamilpa inquauh quecholla quixixinia ynipetl iepal yehua Dios ohuaya ohuaya.

Tlacocoa yenican tlalli tepetl yecololilo ya ceme a ohuaya &.

Que nel conchihuazque atl popoca ytlacoh inteuctli tlalli mo cuepa ya mic-tlan on matia cacamatl onteuctli quennel conchihuazque ohuaya ohuaya.

Ononellelacie quexquich nie ya yttoa antocnihuan ayiaue no con nenemititica noyollontlpe y, no con ycuilotica a y niuhcandinemi ahuan yeccan ay cemellecan inte nahuac y, ahnon no hui callanin quenonamican ohuaya &.

Çan nellin qui mati yenoyollo çanelli nie yttoa antocnihua ayiahue aquinquitlatlauhtia ycelteotl yiollo ytlahcocacon aya macay Mach amo oncan? intlpe. mach amo oppan piltihua? yenelli nemohua in que non amican ylhuicatl y y teey can yeo oncan in netlamachtilo y ohuaya &.

Oyohualli ihcahuacan teuctlinpopoca ahuiltlon Dios ypalnemohuani: chimalli xochitl in cuecuepontimani in mahuitzli moteca moliniantlpe. yenican yexochimicohuaya mixtlahuac itea ohuaya ohuaya.

Yaonaccac yeoncan yaopeuhca inixtlahuac itec yteuhtlin popoca yamilacatzoa y momalacachoa yaoxochimiquiztica antepilhuan inanteteuctin çan chichimeca y ohuaya &.

Macamahui noyollo yeoncan ixtlahuatl ytic noconelehua initzimiquiliztli çan quinequintoyollo yaomiquiztla ohuaya &.

Oanquin yeoncan yaonahuac nocon elehuia initzimiquiliztli canquinequintoyollo yaomiquiztla ohuaya ohuaya.

Mixtli ye ehuatimani yehuaya moxoxopan ipalnemohuani y con can celiztmania in quauhtlin ocelotl yeoncan cueponio ó in tepilhuan huiya in tlachinolehuaya ohuaya &.

Yn maoctonahuacan antocnihuan ayiahue maocxona huiacan antepilhuan inixtlahuatl ytec y nemoaquihuic çantictotla nehuia o a in chimalli xochitl in tlachinolle huaya ohuaya ohuaya.

XOCHI CUICATL.

Canti ya nemia ticuicanitl maya hual moquetzaxochihuehuetl quetzaltica huiconticac teocuitlaxochinenepaniuhitica y ay amo aye yliamo aye huiy ohuaya ohuaya.

Tiquimonahuiltiz in tepilhuan teteucti in quauhtlo ocelotl ayamo &.

Yntlacace otemoc aya huehuetitlan yenemi in cuicanitl huia çan qui quetzalintomaya quexexeloa aya y cuic ipalnemoa qui ya nanquilia in coyolyan tototl oncuicatinemi xochi mana manaya toxocha ohuaya ohuaya.

Incanon in nocon caqui ytlatotl aya tlaçaço yehuatl ypalnemoa qui ya nanquilia qui ya nanquilia incoyolyantototl on au cati nemi xochimana manaya &.

Inchalehuitl o huayee on quetzal pipixauhtimania yna motlatotl huia noiuh yequittoa yayoquan yehuayan cuetzpal ohuaye anquinelin yequimatin ypalnemoa ohuaya &.

No iuhquichihuacon teuctlon timaloa yecan quetzalmaquitzla matiloliticaya conahuiltia y celteotl huia achcanon acoceyan ypalnemoa achcanon acotlenelin tlpea. ohuaya &.

Macuelachic aya maoc ixquichcahuil niquin notlanehui inchalchiuhtini in maquitzini intepilhuan aya çan niexochimalina intepillotl huia çancanica nocuic yca ya noconyla catzohua a in huehuetitlan a ohuaya ohuaya.

Oc noncohuati nican huexotzinco y nitlatohuani nitecahuatzin huiya chalchiuhti çan quetzalitzin y niquincenquixtia in tepilhuan aya çan nie xochimalina intepillotl huia ohuaya ohuaya.

Aynilhuicac itic ompa ye ya huitz in yectli ya xochitl yectli yan cuicatl y, conpoloantellel conpoloantotlayocol y intlaca co yehuatl in chichimecatl teuctli in tecayehuatzin yexao ahuiacan a ohuaya ohuaya.

Moquetzal izquixochintetzelo a inenihyotl Aztacaxtlatlapatica yeon malinficac in quetzal xilo xochitl ymapa onne nemi conchiochichintinemih in teteuctin intepilhuana &.

Çanteo cuitlacoyoltotl o huelyectlinamocuic huelyectli inanq' hua anquinyeonean yxochitl y iahualihuan yxochitl ymapan amoncate ynamontlatlatoa ye ehuaya ohui ohui ilili y yao ay yahue ho amaha ilili ahua y yao huia.

Oachancatiquechol inipalnemoa o achancatitlatocauhyehua Dios huiya achto ti amehua anquitztoque tlahuiz calli amon cui cati nemi ohui ohui ilili &.

Maciuhtiao o inquinequinoyollo çanchimalli xochitl inixochiuh ipalnemoani, quenconchiuaz noyollo yehua onen tacico ton quiçaco in tlpe. a ohuaya ohuaya.

Çan caiuhquinoyaz ino ompopoliuh xochitla antlenotle yoyez in que manian, antle nitauheayez in tlpe. manel xochitl manel cuicatl, quen conchiuaz noyollo yehua onentacico tonquiçaco in tlpe. ohuaya ohuaya.

Manton ahuiacan antocnihuan aya maon nequechnahualo nican huiya xochintlaltiepac ontiyanemi yenican ayac quitlamite huaz in xochitl in cuicatl in mania yehan ipalnemohuani yi ao ailili yiao aya hue aye ohuaya &.

Ynçancelachitzincan tlpe. aya ayaoenoiuhca que o namicani cuixocpacohuia icniuhthiuhay auh yna mo çanio nicanto tixi matico in tlalpe. y yiao hai lili yiao &.

Nocon cacon cuicatl nocon caoquintlapitza ya xochimecatl ayo quan teuctli ya a huayie ohuayiao ayio yo ohuia.

Çan mitz ya nanquili omitz ya nanquili xochincalatec y inaquiauh atzin in tlacateuhtli ayapanecatl ya huayie &.

Cantinemi noteouh ypalnemohuani mitz temohua in que maniany mocaniltlao coyanni cuicanitl huia çan ni mi tzahuiltia ya o hui yantilili yancohuia ohuaya ohuaya.

Ynçan caiz quixochitl in quetzalizquixochitl pixahui yenicaxopa calatec ytlacuilolcalitec çanimitzahahuiltia ya ohui &.

Oanqui yeonean tlaxcalla, aya hue, chalchiuhtetzilacacuicatoq in huehueti-

tlan, ohuaye, xochinpoyonpoyon ai iahue xicontencatl teuctli intiçatlatcatzin in camaxochitzin cuicaticaymelelquiça, xochiticayaon chielo ytlaothl ohuayicelteotl ohuaya.

O anquinohuia y, yemochan ipalnemohua, xochipetlatl yenocaxo chitica ontzauhlicac oncan mitztlatlauhtia intepilhua ohuaya.

Ynnepapan xochiquahuil on ycac, aya, huehuetitlan aayahue, can cantica ya quetzaltica malintimani ya, yexochitl motzetzeloa ya ohuaya ohuaya.

• Canquetzatzalpetlacoatl yepan o, yenemi coyoltotl cuicatinemi ya, canquinnanquili teuctli ya, conahuiltianquauhtlo ocelotl ohuaya ohuaya.

Xochitltetzeliuhtoc y, maon netotilo antocnihuan huehuetitlan ac onchielo ean nentlamatitoyollo yehua ohuaya ohuaya.

Ynçan cayehuan Dios tlaxic, ya, caquican yehualtemoyao ilhuicatl itic, y, cuicatihuitz y, quinanquilia o angelotin ontlapitzihuitze aya oyiahue yaiaoo ohuaya ohuaya.

Çan ninentlamatia can ni quauhtencoz, ayahue, cantlayocoltica ia, çan yeon mapantieac toxochihuehuh huiya, cuixocnellin tlaca yieih, cayoc nellintocuic a ohuaya ohuaya. tlenoço ycaya tlehualquiça ac, ynocantinemi yno caticate timotolinian ti nocniuh o o, tlanimitzonhuica tlaocanxonica ohuaya ohuaya yio a huayiao o a huaya yhui.

Canic noneuicacoc yio ahuaya &. tleinanquitoa ynantocnihua tlatoa yenican ohuaya ohuaya.

Xochit hualli mani ompaye, ya, huitz tepillohuan a incoyolehiuhqui choquiztica inoneuicatihuitz xopan calitec ay huian xochitl ai huian cuicatl nochian colli mochihua ynica ohuaya &.

Y yenelli ayaxcan incooc yoa tlayocoltica ya, ti, ya, tinemi yi hua, ya, ic nocuicaticac noconquetzalmalina y tepillotl nimotene huatzin teucyotl tlatocayotl telpolohuatl tepolohuatl teuctli tinochi yetonemi xopan calitec y, aihui ya xochitlayhuian cuicatl nochil colli mochihua ohuaya ohuaya.

Nocon cacon cuicatl noconit hua xopan axoxochiatl ytech onne nemia tlahuizcallin qui nonotztinemi xiuhquechol elototl yetlahuquechol aya, monencauhtzin teuhtli ayie aooohuaya &.

Ohuayiao aye, Antocnihuane aquiqueya onoque yxiuhquechol cacahuaxochicalitec y, yehuan Dios huia, y maocxiqual a colui quetzalcuemitl y, ma ya, mani quimonit hua chalehiuh hui lacapitz huehuetzaticate xochiteponaztica mo notztoque, auh aço yehuan tepilhua inteteuctin yncotzotzona yeon o olinia xiotlauilo huehuetl xochincalatec a ohuaya &.

Maxicaquican a, yçahuaca yetlatoa xochiquahuil y mapan motzetzelotica qui inteocuitlaxochicoyotl ayacachuitzil inq' chol monencahuatzin teuctli caqua ehceahuatzlapaltica on mo çoçouhtinemi patlantinemi xochihuehuetitla ohuaya &.

Pahuetz pahuetz xochitl cueponticac xochitl ixpan ypalnemoani mitznanquili, oyolloaye oy oa oioo aya ohuia ohuaya &.

Ytototzin yehuan Dios cancatietemo huia, quexquich yemocuic inyemonecuiltonol tonteahuiltia yoo yeolinixochitla ohuaya.

No huian nonenemi no huian nontlaotohua nicuicanitl huia, in quetzal izqui-xochitl cayeontzetzelihuetoc xochiithualco ye huapapalo calitec y yao ayahue ohuaya &.

Çan mochompaye huitz xochitl y caca ayahue, tecuecupal xochitl in teyollo mamalacachoa y, tzoyehuan ohuaye, commoyauhtihuitze contzetzelotihuitze in xochitlamalin xochipoyon ay ia hue.

Xochinpetlatl o naca yiahue, cencayemochan yeamoxcalitec cuicayehua on-tlatoa yehua xayacamach qui huintia yeiolecacahuaxochitl a yio a huaya.

Yn huelyectli on cuicatl yahuaca yehua coneua yeicuic tlalalteuc eitzin aya, huelahua yxochiuhztzelihui xochitl cacahuaxochitl yio ohuia.

Antocnihuane namechtetemohua cecencuemitl nictoca auh tzonican ancate xompactiaca xontlatlaquetztiacan çanyeon hualacie yna moeniuh namocnihua ohuaya &.

Yncuixitlaxochitl can ni qual calaquia yntzitziquilxochitl moço quilxochitl cuixiuhquin cuixnayohui nitonolinia ynantocnihuan ohuaya ohua.

Aquin nehua ni papatlantinemi ye huaya notlatlalia nioxochincuca cuica papalotl aya, manellelquica manoyolquimatia ohuaya.

Ay topanihuitzo ya, nitemoc in nixopan quechol y, tlalpan nacicotti ninoço-çohua xochihuehuetitla nocuicehuallo tlalpan onquica yo huaya.

O, anqui can none nie xochiopahua cuicatl ytlal nonquiquica ynoçan tlalal-hua noquetzal huicolol teocuitla mecatia nicylpia namoc noic niuh ahua ya ohuaya.

Çan ni xo tlatlapia namocnihtzin huia, xochintlapal yzhuatica no cotzoma no xochintlapi xacaltzin ynie nonpactica yecuecuentla yehuan dios maxonahua-can ohuaya.

Tlaoc cenca xonpacta xochincocoçcapatzine telcayehuatl teuctli cuix occepa yeton nemiquih yniuhquimatimoyol huican centinemico ohuaya ohuaya.

Oya, nihualacie xochinquahuitl ymapan ayahue nioxohihuitzil ni no yacahui-litica ynie nonpactica tzopelic huelic note ohuaya.

Yehuan Dios ypalnemoani yexochitica totlatlauhtilo ya, yetonto pechteca cantimitzonahuiltia xochihuehuetitlan atecpa ecatl teutlia, ohuaya &.

Ompialo huehuetl ompialo yeoncan xopan calitec mitzonchiaye mocnihuan yaomanatzin in mi cohuatzin, ynayoquauhtzin yexochitica oneleicahui inteteuctin ohuaya &.

Hualixtococ hualcocolilo ya, ynatl, intepil y, huexotzinco tzihuaetlan tzaqua-lotoc intlacochahuayotoc in huexotzinco ya ohuaya.

Tetzilacatl ayotl cahuantoc aya amocalin manica huexotzinco ya ynoncan on-tlapia in tecayehuatzin quecehuatl teuctli ontlapitza oncuca çancayeichan ye huexotzinco ya huaya.

Yayapapailili xontlacaquican ye hualtemoya in tota Dios cacaye ichan ocele-cacahuehuetl comontoc aya, intetzilacacuatl onca huantoc yeoncan ohuaya ohuaya.

Achiniuhcaa ayahue, xochitl cançanitli quetzalli ia, quemitl huilatoc ayahue, amoxcalitec yniconpialo tlalo ya, tepetl yniconpialo ynicelteotl a ohuaya & ay yao.

Xochimitletlehuatoc mochalehiuh cancal noteocuitla amoxcatal ancayemo-chan ynicelteotl.

Auhtocnihuane tlaxoconcaquican ynitaloltemietli ayahue, xoxopantla techne-mitia inteocuitlaxilol techon ythuitia tlahque chol elotl techoncoçcatia inticmati yeohuaya yeontlaneltocato yiolle tocnihuan ohuaya ohuaya.

YC NO CUICATL.



Çanyehuan Dios ynipalnemohua canton nemi ye huaya yemitzon chixtoque in mocnoicnihua yecucaticacon nentlamatoque yexochitica yancan quitemohua melletlaycoltia mitzonayitlanilia moyollio in tleyotl mahuiyotl aya ohua.

Can niquittoa, onon niquilnamiqui yeantlayeihquia ic nopillotl tle yca ce-huiz in noyollo tleyca polihuz in notlayolol ni huexotzincaatl machoc oncayenota, machoc oncayenona ocheon nechixtiez oc nechonyollo cehuiz auhynamoniccentlamitinemiz ayenopillotl ohuaya.

Nonteyhua paquihua a ahuelo nicantocnihuan oncayeinquach ycozqui ahui-nehua ninotolinia antle iconpactaz antleicnahuix te huaz tenahuac yenican ohuaya.

Momalinanteucyotl momalina niciuhyotl intepillotl ayacaocan caompa hua-llaz nocon nequi nocon elehua intlpe. antleic non pactaz antle &.

Titloque tinahuaque timitzahuiltia nican antlemocnopilhuia mo nahuac ypal-nemohua canihuixochitl ypa titech matia canton cuetlahui timocnihuan.

Yncan noihqui quetzalitzli ticxaxamania can noihquintlacuilolli ticpopo-loa ixquiehompayahui çannoyemictla cantocepanpolihuyan.

Tleypan titech mati ycelteotl y huintiyolli y huinyetopolihuan can tonpopoli huitihui timacehualti can nelpatonyazque.

Can yeic nichocayan ynicontlatzihui ypalnemohuani chalchihuitl tlapani